

驗方續編

痧症要法

卷上

痧症要法

光緒癸未孟夏
合肥味古齋刊

痧字字書皆不載右台仙館筆記謂集韻有痧字音蘇疾也痧字或當作癰痧與癰乃一聲之轉也集韻又有癰字亦云疾也今世有癰痧之疾或古作癰癰歟又說文有疔字注腹中急也廣韻音古巧切與絞同音卽古絞腸痧矣按疔方書云瀝氣感觸邪熱而發之病是爲今之痧症無疑然古今方書汗牛馬充棟宇論述此症者多眊於時疫專言主治者卒尠景岳全書雖間一及之未深切著明坊行析微理化全書亦流傳未遍林氏藥樵痧症要法析理明論症審詳宜忌便施治誠癰痧之元龜疔症之指南也夫穢濁之氣闐闐浩穰爲尤甚望溪之誌陳馭虛也述其

言曰京師人畜駢闐食腥葷溷匱偪側溝渠污渫無大川
廣壑以流其惡方春時地氣憤盈上達淫雨汎溢炎陽蒸
之中人膈臆困憊忿蓄而爲厲疫大江以南地益卑溼鹹
雨霧人炎曦敲蒸加以射工伺影飛絲觸肌燥溼寒暑迭
乘爲災所謂懣溷鬱邑毆溫致溼中心慘怛生病造熱殆
爲斯地發矣故氓庶熙攘踣於塵埃者相屬卽竹皮韋
帶之士襪襪觸熱亦往往不免懸壺之客束手莫措進帛
布單衣輩奏其刮摩砭刺之術技工者亦能稍定其脅亂
而邪氣結轡精神越渫縣縣延延莽然不能自振使早以
林氏是書從事灑練臟腑輸寫渙濁已忽然而汗霍然而

愈矣此古所以致慨於鑿之所病病道少也余雕驗方新
編竣事有以續編請者因考其字義而兼識此書之有益
於南中人士云

光緒癸未五月望合肥張紹棠題於冶山之觀魚躍處

公孫仲人志云
此台郭景純所創
台山之陽所建
郭景純所創
此台郭景純所創
台山之陽所建
郭景純所創
此台郭景純所創
台山之陽所建
郭景純所創

此台郭景純所創
台山之陽所建
郭景純所創
此台郭景純所創
台山之陽所建
郭景純所創
此台郭景純所創
台山之陽所建
郭景純所創

凡著述之有裨日用者皆足以傳世行遠而莫切近於醫
沙症書尤切近中之切近者也余曩於一切藝術頗未措
意乙卯丙辰侍先大父疾兩載粗究醫藥之事既而終天
抱恨亦遂置之辛巳承乏泉南會沙疫流行夏秋尤劇雖
多方拯救十嘗六七不治如泉吳渭泉大兄素精軒岐馳
譽目下客秋觀察來閩亟以此症相詢渭泉出閩人林藥
樵所著痧症全書見示且云刺藥並施業已行之有能效
余按溫疫沙症相爲表裏明季吳又可著溫疫論上下卷
已收入

欽定四庫全書獨林氏書較晚出未被甄采而實足補吳書所未

備因愆愆重刊以廣流布他日家置一編按方求治不致
倉卒無所措手用仰副

聖天子痼瘕在抱之至意未必非是書之功也鳩工有日渭泉

行將去茲土余乃屬諸槐坡重加校勘付諸剞劂以成渭
泉之志於其行也祖道城西濡筆而爲之序時

道光壬午仲冬上澣福建鹽運使司鹽法道仁和王楚堂
識

道光辛巳夏余自皖赴閩任假歸雋皋展視松楸時淮揚
間沙疫流行猝不及治過吳門尤甚晤姑蘇諸名醫詢以
治療之方據云沙症時有特未見如是之奇且驟者一患
吐瀉卽脈沉支冷眼弔足攣投溫散涼解均無效近張子
壽山刊林藥樵痧症全書方藥詳備且有刮放諸法甚效
亟索一卷于途中閱之信然予甚珍之壬午夏泉州郡亢
旱沙疫復行延及省垣諸槐坡明府精岐黃術憐沙症猝
死之多云閩醫涼熱兼投十不一活豈斯症果不可救耶
余出此書示之去旬日復來云刺藥並施所濟甚多是此
書不爲無功于世矣嘗考醫學原本內經東漢張仲景出

著傷寒方論立三百九十七法一百一十三方以濟天下
後世醫林尊爲神聖嗣是以後諸名家著書立言於十三
科病症分門別類殆已備論無遺而溫疫痧症則古無專
書發明者鮮明季洞庭吳又可著溫疫方論

國朝康熙初閩人林藥樵著痧症全書二君可謂補前人
之未備而成一家言者也顧吳又可溫疫論已遍行海內
而林藥樵痧症全書傳者獨少故治痧症視溫疫較難其
斃較速且邇來春夏之交多溫疫夏秋之際痧症尤多按
古方痧症醫法祇附見於絞腸痧乾霍亂吐瀉諸症門中
至刮沙鍼刺諸法景岳全書雖亦言之然卷帙浩繁讀者

忽而不講今閱林藥樵所著痧症全書其中經絡刮刺方藥宜忌一皆採集羣書惟痧症名目不見古書意作者自出心裁以新聞見而議論中肯治藥不偏將方改爲八音分紀編成歌訣極其簡明洵醫津之寶筏不特操是業者當讀卽鄉居行旅倉猝無醫得此全書按病求方不致茫無措手其所濟不尤博耶按景岳全書所載刮沙鍼刺諸法此書未詳茲附刊于後以備取法時

道光二年歲次壬午仲夏中浣福建督糧道分巡福州福甯兼管水利事務加三級如皋渭泉氏吳簾識

三級收泉郡泉刃吳龍藏

最次二平類交王平中夏中宮藏發替疊後衣淡龍藏

六世書未結終開王平終以龍藏

無謂平其河海不食對龍藏是計全書改龍藏也

前龍藏龍藏王平食終龍藏王平全書對龍藏本衣不逢

王平龍藏龍藏王平其龍藏王平食終龍藏王平全書對

王平龍藏王平其龍藏王平食終龍藏王平全書對

王平龍藏王平其龍藏王平食終龍藏王平全書對

王平龍藏王平其龍藏王平食終龍藏王平全書對

嘉慶庚辰秋人多吐瀉之疾次年辛巳其病更劇不移時而殞者比比皆是此症始自廣東今歲福建臺灣患者尤甚或云自舩趨風來此言未盡無稽病起卒暴多致天橫拯救無方殊堪憐憫適沈君月枝自通州攜來痧症全書三卷係閩中林君藥樵氏所著內載青筋白虎霍亂等名皆以痧治先用鍼刺宣泄壅閉之邪然後另施湯藥因思今之時行吐瀉頃刻之間轉筋脈伏醫藥所不及救急之法莫速於鍼刺且景岳全書霍亂門中載有此法如法試之屢獲奇效因屬張子壽田重校付梓並補繪應刺經穴之圖俾倉猝之間便於按經鍼刺以廣其傳想仁人君子

馬方經緯
有同心也是爲序

道光元年七月望日分巡常鎮通海等處地方兵備道兼
管河務加三級仁圍宋如林識

按趙竹角切音琢風名吳中梅雨旣過清風彌旬謂
之舶趙風蘇軾有舶趙風詩

刪訂痧書序 古無痧字本作沙今俗作痧又省作痧

痧無專書雖古有絞腸痧乾霍亂青筋白虎中惡等症治而禁忌未明剖析未盡千古如在暗室醫家詭爲怪症稍知推拏焮刮者又禁人服藥迷誤就斃可勝悼哉康熙初林藥樵始以痧書授王養吾丙寅刻晰微補化全書未廣流傳乾隆丙午江甯有重梓施送者沈氏尊生書亦已收入而見者卒鮮爰爲刪纂開雕較原書詞理簡淨視沈刻眉目清疏中有疊出數見者便于倉猝檢閱對症施治毋嫌煩複也方名原取六十四卦今改八音分紀省字數易記查耳家置一冊庶幾識所忌宜無誤身命倘有同志益

廣其傳可也嘉慶三年歲次戊午泰興何汾丹流氏誌

附原書正誤一條

醫家不信有痧頭痛則用紫蘇麻黃發汗腹痛則用木香枳實溫中不語直視則認爲陰症而用桂附乾薑卒倒脈伏認爲中風而用牛黃蘇合小兒則誤作驚風痘疹婦人則誤爲經阻血凝立刻殺人可勝惜哉人祇知絞腸痛是痧不知有不肚疼而種種雜症之兼現疑似之閒必當詳究也